

DISCURSUS HISTORICUS, DE LAPSU IMPERII ROMANI IN OCCIDENTE, ...

Andreas Loelhoefer, Rothard
Vinhagen, Valenti Gonzaga



THE
LIBRARY

LATIN IMPERIAL
ROMAN OCCIDENT

ON THE

THE
LIBRARY

LIBRARY

LIBRARY

LIBRARY

LIBRARY

INitiò brevissimè monendum ducimus, quid per Imperium Romanum in Oriente & Occidente Historici intelligant: quod ut rectè percipiantur repetendum est memoriâ, quod ab origine Romanæ Monarchiæ, per C. Jul. Cæsarem constitutæ, per Octavium verò Augustum, post laram legem regiam imprimis firmatæ, usq; ad tempora trium Constantini Magni filiorum, Imperium universum, plurima amplissima regna, & provincias in Europâ, Asiâ, & Africâ continens, non fuerit in partes divisum; sed illius administratio vel penes unum, vel penes duos aut plures, qui tamen idipsum conjunctâ operâ, & ut Collegæ administrarunt, fuerit.

II. Prima amplissimi hujus Imperii divisio facta est Anno à nato Christo CCC XXXVII à filiis laudatissimi Imperatoris Constantini Magni, ex Faustâ, Maximini Galerii filiâ, susceptis, Constantino, Constante & Constantio. Hos inter divisum fuit Romani Imperii corpus. Distributum autem tunc fuit in duas partes: Occidentem & Orientem. Oriens obtigit Constantio. Occidens iterum in duas partes divisus est, quarum una Italiam, & fricam eum Insulis, Illyricum, Macedoniam, Græciam continens, Constanti tributa est; altera Galliam, Hispaniam, Britanniam, Orcades, Alpes Cottias, & Thulen complectens, Constantino obtigit.

III. Quemadmodum autem fieri solet, ut ob summam hominibus innatam regnandi libidinem, interdum Summi etiam Principes suâ sorte non sint contenti, & eâ de causâ non tantum filiorum & Parentum, sed etiam fratrum gratia rara esse solgat,

ſic & tribus hiſce Conſtanti- ni Magni filiis uſu venit. Primus Conſtantine aſſignatis ſibi Imperii partibus non contentus, Fratri Conſtanti bellum intulit. Pugnatum ad Aquilejam. Conſtantine minus in rem ſuam intentus, equo excuſſus, conſo- ditur. Conſtans vero, ita devicto Fratre, omnes ejus Provincias ſibi ſubegit; quæ tamen felicitas ipſi haud conſtans fuit. Inci- dit enim miſer in ſuorum Centurionum conſpirationem, qui Magnentium quendam Imperatorem crearunt: hic Impera- torem Conſtantem trucidavit. Supererat tantùm ex Conſtan- tini Magni filiis Conſtantine, ad quem hæreditatis Jure Fratrum interfectorum provinciæ devolvebantur, hic Magnentium ty- rannum delevit, & ita viciffim totius Imperii corpus ad Unum, Conſtantium ſc. rediit.

IV. Succellores hic habuit Julianum, dictum Apoſtatam, Jovianum ſ. Jovinianum, Valentinianum & Valentem Fratres, Gratianum & Valentinianum II, & Theodoſium I. Poſt hujus Theodoſii Primi tempora, iterum nova & ſecunda Imperii divi- ſio facta eſt, quæ diviſio merito Diviſio Imperii Romani con- ſummata dici poteſt. Nam ut loquitur Daniel Patens in Medul- lâ Hiſtoriæ Univerſ. profanæ, hæc Imperia ita diſtraxit, nun- quam ut deinde ſub unius Imperatoris imperio coierint. Igitur hic perfectam Imperii Romani in Orientale & Occidentale di- viſionem habemus. Orientale partes Mundi orientales, maxi- mam partem Aſiaticas complectebatur: Occidentale partes Mundi occidentales, maximè Europæas cum Africâ continebat. Hujus ſedes erat Roma; illius Byzantium ſeu Conſtantinopolis, à Conſtantino M. ad hanc dignitatem evecta.

V. Hiſ ita breviter præmiſiſ ſequitur, ut ad propoſitum noſtrum deveniamus, & quomodo ſenſim Imperium occiden- tale ſ. Europæum labi cœperit, proponamus. Factâ diviſione illâ conſummata ſeu ſecundâ, primus in Oriente regnavit Arca- dius, in Occidente Honorius. Hic ſtatim obſervandum, quod Oriens illico ſuper Occidentem effloſcere cœperit, habueritq; Imperatores plurimos longâ ſerie ſibi ſuccedentes uſq; ad tem- pora Conſtanti VII, ultimi Imperatoris Græci, quibus Con- ſtantinopolis à Mahumete Turcorum Tyranno fuit capta, & ſic
torum

totum Orientis Imperium ad nominatos modò Turcos transit. Occidentale autem Imperium, de cuius lapsu & restauratione nobis imprimis sermo est, post secundam illam divisionem, primum, ut dictum, Imperatorem habuit Honorium. Sub primo hoc Imperatore statim adversam fortunam, primamqve ad lapsum occasionem experiri cœpit oriens, quod ita factum est.

VI. Stilico, natione Vandalus, Vir in Imperio Occidentali summæ autoritatis, quem Honorii Parens, Theodosius primus, summis beneficiis affecerat, cum quo etiam ipse Imperator, Honorius affinitatem contraxerat, immemor horum beneficiorum omnium, Honorium de Solio Imperatorio deturbare, dignitatemq; summam ad Filium suum Eucherium transferre moliebatur. Hoc ut eò felicius procederet, populares suos Henetos seu Vandalos, & cum illis Suevos, Alanos, Burgundos advocat, & imprimis ad Gallias occupandas occultè prædæ spe sollicitat; ita futurum sperans, ut Honorius in bello illo occumberet, & sic deinde nullo negotio filius Eucherius ad Imperii gubernacula perveniret. Henerorum seu Vandalorum hanc gentem, vatiniano quod dicitur odio, prosequébantur. Gothi qvi aliquando finibus suis, quos ad Vistulam, ubi hodiè Pomerellia, uti Philippus Cluverius vult, antiquitus habuerunt, egressi, integrum ferè Illyricum occupaverant. Hi, irruptione Vandalorum in Gallias auditâ, Duce Rhadagiso, cum exercitu ducentorum millium advolarunt, & omnia inter eundem, in Italiâ præsertim, igni ac ferro miserè vastaverunt: uti cum ex aliis, tum imprimis ex D. Hieronymi Commentario in Sophoniam ad Paulam & Eustochium patet. Sed hujus Rhadagisi exercitus à Consule Romano Stilicone, cuius jam ante mentionem fecimus, partim deletus, partim etiam fame ac siti confectus in Monte Fesulano interit. Rhadagisus ipse ex fugâ retractus in Romanorum potestatem venit, & tandem vitâ privatus est.

VII. Sed hæc clade non omnino territa est gens Gothica. Nam non longo post tempore Alaricus, ex nobili Balthorum genere oriundus, Rêx Gothorum electus, cum exercitu Italiani

ingressus est, & ab Imperatore Honorio sedem poposcit, quam
etiam obtinuit, nimirum Gallias. Sed dum Alaricus in itinere
in Gallias hæret, Stilico sentiens, Gothos, nihil mali metu-
entes securos esse, nec eo quo deberent modo castra disposita
habere, ipso die paschaus incautos aggreditur. In primis
autem hæc in re Ministro usus est Saulo quodam, Judæo: hic
quod religionem Christianam nullius faceret, Gothos festo
hocce die invadere non est veritus. Mirabile est, quod Gothi
hi per aliquod temporis spatium Romanis cesserint, ac perfidi
hostis furorem desitutum speraverint. Quod ipsum tamen
cum fieri non sentirent, seque patientiâ suâ hostem Saulum in-
saniores tantum reddere, animadverterent, protenus arma
corripuerunt, hosti quam fortissimè restiterunt, omnemque fe-
rè exercitum occisione deleverunt. Nec contenti hæc vi-
ctoriâ, insanix quasi æstro perciti Romam contenderunt, eam-
que expugnaverunt. Imputatur hoc malum desidæ Honorii Im-
peratoris, qui Ravennæ desidens de auxiliis Urbi ferendis non
fuerat sollicitus. Narrat Procopius, cum nunciatum esset Raven-
na Romam perditam esse, credidit ille de castello, velut alii narrant, de
pugnaci gallo, cui nomen Roma indiderat significatum esse, admi-
rumq; vehementer, tam subito perisse eum, quo cum paulo ante festi-
vissimè luserat.

VIII. Ita primo sub Honorio miserè laceratum & concu-
sum est Occidentale imperium. Successit Honorio Valenti-
nianus III, Honorii ex Sorore Placidia nepos: fuit hic Impera-
tor post secundam Imperii divisionem, secundus & ferè ultimus.
Eriam si enim nonnulli post Valentinianum, uti Maximus, Avi-
tys, Majoranus, Severus, Anthemius, Olybrius, Glycerius, Jul.
Nepos, Orestes, Augustulus Imperatorum nomen usurparint,
tamen vix partem exiguam Italiæ de tanto imperio reliquam
habuerunt. Sub hoc Valentiniano III, quod de Imperio oc-
cidentalibus, reliquum fuit, per incursionem gentium barbararum
ferè dilaceratum est. Mali autem causam imprimis præbue-
runt dissensiones duorum in Imperio summorum Virorum Bo-
nifacii & Aetii. Hic tenebat Galliam, ille Africam. Accu-
sava-

saverat Bonifacium apud Placidiam Aetius, qui causam dicere
jussus, Gensericum Vandalorum Regem in Africam attraxit,
hic omnia misèrè vastavit, Carthaginem dolo cepit, Hip-
ponensem etiam Urbem, ubi D. Augustinus Episcopus fuerat
delevit, novumque Vandalorum regnum in Africâ condi-
dit.

IX. Iisdem ferè temporibus etiam Attila Hunnorum Rex,
postquam Macedoniam, Mysiam, Achaiam misèrè vastasset,
interfecto fratre Bledâ, etiam ad occidentale imperium inva-
dendum animum adjecit. Hic etsi operâ Theodorici West Go-
thorum Regis in campis Catalaunicis in Galliis fusus esse,
tamen à bello non destitit; Sed reversus Italiam misèrè vasta-
vit, Aquilejam cepit, vixque ab Urbe abstinuisset, nisi precibus
Leonis Pontificis quadamtenus fuisset delinquitus.

X. Hâc ratione Imperium Occidentale cum Valentiniano
ferè extinctum est. Nam Maximus, Avitus, Majoranus, So-
verus, Anthemius, Olybrius, Glycerius, Jul. Nepos in Occi-
dente quidem, partim tyranni, partim Imperatores post Valen-
tinianum fuerunt; sed & hi partim à Vandalis, irruptionem in
Italiam ex Africâ facientibus, partim à Richimero Gotho fue-
runt deleti. Ultimo seu Imperatores seu tyranni in Occiden-
te ceciderunt Orestes & Augustulus. Sed Odoacer Rugius, qui ali-
quando Orestis Armiger fuerat, incitatus prædæ spe Herulis, Thu-
ringis & Rugiis, Italiam invasit, obviam ei procedit Orestes.
Pugnatur ad Ticinum s. Pagiam. Orestes victus captusque
Placentiam deductus, ubi inspectante toto exercitu trucidatus est.
Augustulus fugiens Imperio se, abdicavit & in Campa-
niâ privatus, vixit. Idem ergo nomen Imperatori primo & ul-
timo fuit. Romanum ita imperium à Magno Augusto consti-
tutum cum diminutione Augustulo extinctum est. Hic finis
fuit celeberrimi imperii Occidentalis.

XI. Sic deletò imperio Romano varia nova regna ex ruinâ
ejus nata sunt: Francicū quod Meroveo Duce, parte Galliarum
occupatâ Franci condiderunt, Hispanicum à Vandalis condi-
tum, Vandalicum in Africâ, Anglicum &c. de quibus apud
alios

alios fuſiſſimè diſſeritur. Italiam quod attinet ubi priſca imperii ſedes fuerat, tripliciter ea potiffimum ab ultimo imperatore Auguſtulo uſq; ad Imperii Occidentalis à Carolo M. factâ reſtaurationem adminiſtrata eſt. (1) Odoacer Italiae Rex ab exercitu proclamatus eſt, regnūq; per quatuordecim annos obtinuit (2) regnū Italiae ad Oſtgothos pervenit hâc ratione. Theodoricus Amali, qui poſtea Veronenſis dictus eſt, filius Teutomiri, oppreſſis Atilæ Hunnorum Regis filiis, Zenoni Imperatori Orientis admodum gratus eſſe cœpit, qui eum etiam Patricium fecit & Conſulem. Demandata ipſi deinde etiam expeditio eſt contra Odoacrum. Rugium eo tempore Italiae Regem. Abiit ille in Italiam mediâ hyeme. Odoacer de Theodorici adventu certior factus Alpes præſidio munit. Sed aperit eas Theodoricus, Odoacrumqve aliquot præliis vincit, ipſumqve Ravennæ concludit. Hic tamen Theodoricus Odoacrum deditionem facere cœgit, quod is hâc conditione fecit, ut ſimul cum Theodorico in poſterum regnaret. Accepit quidem cognitionem Theodoricus; ſed eam non ſervavit; verum Odoacrum convivio exceptum, per immiſſos Suarios trucidavit. Zeno Conſtantinopolitanus ſ. Orientalis Imperator ſuo commodo Theodoricum victorem fuiſſe autumabat. At Theodoricus ſibi belli præmiū Italiam cupiebat, quam & per vim obtinuit. Succeſſerunt huic Theodorico in Italiâ deinde aliquot Regis Gothici: Athalaricus Theodatus, Viriges, Totilas &c.

XII. Eſſi autem, ut diximus, Gothi ita Italiam tenebant, tamen Imperatores Conſtantinopolitani, vix quieſcere poterunt, quin eam repetere conarentur. Imprimis Juſtinianus occasione ultionis Amaloſunthæ bellum adverſus Gothos decrevit, miſitqve in Italiam Virum iſignem Belliſarium, cui omnia feliciffimè proceſſerunt. Siciliam enim, Neapolim, ipſam Romam recuperavit. Felicior adhuc Belliſario fere fuit Narſes Eunuchus, hic adeo vires Gothorum attrivit, ut eas nunquam deinde colligere potuerint. Et hâc ratione etiam Gothicum Imperium in Italiâ finitum eſt. Extincto hoc Gothico in Italiâ incendio virtute Narſetis, majus deinde Conſtan-

tinop.

inop. Imperatoribus in Italiâ ortum est. Habuerat Narſes in Exercitu ſuo Longobardos, à longis bipennibus, quibus utebantur, ita dictos, populum Germaniæ, cuius ſedes olim loca, ubi nunc media Marchia, *Die Mittel Märcker*: Hi conſecto feliciter bello Gothico, à Narſete dimiſſi, iterum ab eo in Italiâ revocati ſunt: ad quod faciendum contumeliola Sophiæ Auguſtæ, Juſtini Imperatoris, Uxor, verba cū impulerunt. Notabile eſt, quod cum Auguſta reverſi eum contumeliouſè juſſiſſet ad ſila in gynæceo trahenda, dixiſſe ſeratur: *ſi oſurum eſſe telam, quam mulier ſuperba non eſt & pereximam*. Venerunt ergo Longobardi in Italiâ, ſedemq; novi regni conſtituerunt, & quidem illis in locis, ubi olim Gallia ciſalpina, hoc è verò Lombardia, quæ mari Liguthico & alpiſus concluditur. Hoc in loco per ducentos annos ordine Longobardici Reges regnarunt; Alboinus, Clepſes, Autarus, Egilolphus, Adoal-
dus &c.

XIII. Eſſi autem Longobardi ita ſuum in Italiâ regnum habuerunt; tamen Conſtantinopolitani Imperatores aliquam adhuc ibi poteſtatem retinuerunt, in partibus illis, quibus ſuos Exarchos præfecerunt. Fuerunt enim Exarchi præfecti Imperatorum Conſtantinopolitanorum. Sedes eorum fuit Ravenna. Sed & hic Exarchatus tandem deletus fuit ab Aſtaulpho Longobardorum Rege. Ita viciffim omnis Romanorum poteſtas in Italiâ deſiit, & ita totam Longobardi obtinuerunt.

XIV. Haſtenus vidimus, quomodo non tantum Italia, ſed & totus Occidens ab Imperatorib. Romanis fuerit avulſus. Jam progredimur ad alterum diſcurſus noſtri hiſtorici membrum, nimirum ad ejuſdem Imperii Romani in Occidente reſtaurationem, quæ hæc ratione facta eſt. Deſiderius ultimus Longobardorum in Italiâ Rex fuit; hic cum conditiones initas non ſervaret; ſed expugnata Ravennâ Roman verſus exercitum, duceret, Papa Romanus Hadrianus Carolum Francorum Regem advocavit, à quo Deſiderius viſtus & ita Longobardicum regnum finitum & Italia ad Carolum translata eſt.

XV. In hæc translationis hiſtoriâ imprimis hoc obſerva-

xionem meretur, quâ ratione scil. cum Italiâ etiam dignetur
Imperatoria ad Carolum deveniret. Si Romanenses seu Ponti-
ficios Scriptores, Bellarminum, Baronium &c. & alios evol-
vimus, omnes eos in hac sententiâ esse invenimus: Papam sci-
licet Leonem III. Carolo Magno, postquam is, Desiderio Lon-
gobardo devicto, Romam venisset, suâ autoritate dignitatem,
Imperatoris Romani contulisse & confirmasse. At (1) testa-
tur Sigebertus historicus, Cives Romanos, ubi eorum Urbem
ingressus fuerat Carolus, unanimi voce ipsi detulisse Imperium
his verbis: CAROLO AUGUSTO *à Deo coronato*, *Magno & piis-
simo Romanorum Imperatori vita & victoria*. Confirmat
hoc imprudens quidam Scriptor Pontificius, dum, Romani
omnes, inquit, uno ore Carolo Regi laudes Imperatorias ac-
clamant, eumq; per manus Leonis Pontificis coronant. Quis
hoc Imperii Axioma tribuit Carolo? Romani. Cujus mini-
sterio usi sunt? Papæ. Quod autem per alium quis facit, ali-
non ipse facere videtur? Eat nunc Jesuita, inquit Matthæus
Dresserus in *Isag. hist. Millij*, p. 397, & ex ministro coronationis
Dominum faciat. Concedimus libenter, quod Papæ ministe-
rio Romani usi fuerint. Adfuit enim Papæ, cum Carolus festo
nativitatis CHRISTI Basilicam Vaticanam ingressus fuisset, eiq;
chlamydem Augustalem & coronam auream pretiosissimam
imposuit. (2) Negamus quod translatio hæc per Papam facta
sit; quia certum est, neminem in alium transferre posse, quod
ipse non habeat. Nisi ergo demonstrent Pontificii, jus pôte-
statemq; Imperii Romani penes Pontificem Romanum vel
esse vel fuisse, seu Pontificem Romanum auctoritatem transfe-
rendi regna à Deo accepisse, in eorum sententiam nunquam
descendemus. Quandoquidem verò à Dominis Theologis
de potestate Papæ sufficienter agitur, nolumus in alienam mes-
sem falcem nostram immittere, sed tantum nonnulla ex histo-
riâ breviter eâ de re proponimus. Antiqua autem jam hæc
est cantilena & priscis temporibus jam ventilata disputatio: an
omnia imperia & regna à Pontifice Romano dependeant. Di-
sputatum fuit eâ de re jam inter fortissimum Principem Impe-
rato-

tratorem Fridericum Oenobarbum seu Barbarossam, & Hadrianum Pontificem Romanum, & tandem communi Procerum imperii consensu definitum, uti ex Otthone Frisingensi, late ac eleganter refert Christophorus Leheman in Chronico Spirensi, quæ definitio postea Ludovici IV generali constitutione Coloniz promulgata Anno 1338 & hoc habet: Imperium à solo Deo pendere, nihil ad hoc Papam conferre præter solum titulum, quem quilibet catholicus Antistes conferre possit. Electionem esse à Septemviris, vacante imperio non ad Papam id devolvi; sed ejus administrationem Rheni Palatino hæberi &c. Qui aliter docuerit, ejus Majestatis reum & detestabilem esse. Vide-
lis Jacobum Revium in vitâ Papæ Benedicti XII & Dn. Theodor. Reinking tract. de reg. secul. libr. 1. class. 2. c. 4. §. 1. 1, 3, &c. Idem Dn. Reinking refert ex Bodino de regno Galliz, quod scilicet in eo etiam huic temeritati Papæ, publico Scoto obviam itum fuerit. Quare Bonifacio VIII scribenti ad Philippum pulchrum Galliz Regem: Scire te volumus, quod in temporalibus & spiritualibus nobis subes, Rex jure respondit: Sciat tua magna fatuitas, in temporalibus nos nemini subesse &c. Vid. idem ibidem. Ex his omnibus patet, quod nullum Imperium à Papâ dependeat & per consequens nec Imperium Romanum.

XVI. Sed quæritur tandem, si à Papâ jus Imperatorium ad Carolum non translatum, cujus tandem autoritate & quo jure id factum sit. Respondemus. (1) Jure belli Carolus Imperium Occidentis accepit. Devicit enim Desiderium, ultimum Longobardorum Regem, ut supra indicatum (2) Accesit consensus Irenes Imperatricis Constantinopolitanæ, quæ totum imperium, & jus quod ipsa in Occidentem habebat, Carolo contulit. (3) Cum Irene Augusta à Nicephoro, Patricio comprehensa, & in Lesbum relegata esset, inter ipsum Nicephorum & Carolum, transactiones eâ de re factæ sunt, quemadmodum Regino & alii testantur. (4) Cum Nicephorus Imperator in prælio contra Bulgaros trucidatus esset, tandem pax confirmata est inter Michaellem Imperatorem & Carolum. Ex quibus omni-
bus li-

bus liqvidò apparet, conventionè factâ Constantinopolitanoa Imperatores ultro celsisse Occidentis Imperio, idqve ad Carolum transfuisse. Qui plura hâc de re legere velint adire possunt Marsilium Patavinum, Danicem Algerium Florentinum, Radulphum de Columnâ, Jordanum, Leopoldum de Babenberg, qui hâc de re ex professo scripserunt.

XVII. Hac ratione ergò vidimus, quomodo Imperii jus ad Carolum Magnum devenerit, quem summum Heroa procul dubio Deus excitavit, ut collapsam in Occidente religionem, justitiam, disciplinam, pacem, auctoritatem, doctrinam, dignitatem instauraret, (inquit Matth. Dress.) & inultam à barbaria Imperio Romano notam sempiternam deleret, dignitatemqve Romani Imperii, ad æternam Germanicæ Nationis laudem ad Germanos transferret, quod à Carolo factum esse, nemo negare potest. Fuit enim Carolus Germanus, non Gallus, ut Joh. Bodinus ineptit. Natus fuit in Arce Carlsberg supra Monachum, ut Aventinus scribit, vel certè in villâ Zingelheim, duobus millib, passuum à Moguntiâ distante, ut thesaurus Antiquæ habet. Successerunt huic Carolo Magno longâ serie filii & nepotes Imperatores Germani: Ludovicus Lotharius &c. usque ad Ludovicum IV. Arnulph. filium inclusive, in quo stirps Carolina desit & Imperium ad Conradum Franconicæ Ducem devolutum est.

Tantum

*Quæ quondam commune bonum firmare laborat,
quid memorata ferant prisca, notare velis.
Cognitio Historia quam plurima commoda prestat
Hanc oculum cauti dicere jure queo.
Hac bene perpensis, VINHAGEN, dulcis Amice,
Hinc studium hoc summâ sedulitate colis.
Quod captum, porro stadium decurrere perge,
Sic quondam prudens, sic oculatus eris.*

M. ANDR. LÖLHEWEL.

F I N I S.

